





915302—
—915331 III

Mag. St. Dr.







915316

III

R. P. D.

MOLINO

Gnesnen. Spolii super Sequestro.

Veneris 27. Junii 1749.

- 1 **P**ater Dubium principale Causæ Negocium respiciens, & alterum super purgatione Attentatorum, insterit Præpositus Ecclesiæ Sancti Joannis proponi etiam Dubium = *An sit locus appositioni Sequestri* =, cujus resolutio unâ cum aliis in Rota diei 26. Junii transacti anni cum fuerit dilata hodie prodiit = *Pro Informante* = nimirum *esse apponendum Sequestrum*.
- 2 Ratio resolutionis proferebatur à violento Spolio contra Ecclesiam pluribus ab hinc annis patrato per Jacobum, & Catharinam Dzialinski violenti manu invasores Vil-

le

la Cantryny sub pleno dominio, ac pacifica possessione, spectantis ad Ecclesiam Sancti Joannis extra Gnesnam; ut itaque excessus hujusmodi compescantur, & interim invasores propriæ temeritatis longius protracta lite fructum recipiant Bonorum occupatorum sub tuto sequestro interim ponendi sunt, ut ita tutior, ac expedita fiat favore Victoris illorum restitutio; ut in similibus docet *Ridolphin. in prax. part. prima cap. 14. num. 106. Abbas in cap. Dilectus num. 16. de sequestr. posses. & fruct. leg. Imperatores ff. de appellation. Panimoll. decis. 136. à num. 6. tom. 2. Rot. decis. 13. num. 3. par. 2. recent.*

3 Neque in casu ob stare poterat regula, Judicia à Sequestro non esse incohanda: Non enim Sequestrum hoc per antecessum absque ulla Causæ cognitione apponi mandatur, sed postquam Sacrum hoc Tribunal violentum Spolium audacter commissum agnovit, & sub geminis Decisionibus definivit. Quodque magis Dominos in hanc Sententiam traxit, illud est, quod agitur de occupatoribus nedum violentis, sed refractariis, & summa pervicacia Ecclesiasticorum Tribunalium jussibus, & decretis parere recusantibus, & longius litem hanc protrahere tentantibus, ut pandunt contemporaneæ *meæ Decisiones super Spolio, & super Attentatis*. Mitius itaque cum ipsis non erat agendum, ne in propria audacia confisi interim injuriæ, & violentiæ fructu perfruantur, cum à tam difficili hujus Judicii prosecutione sæpe intercepta, prudenter tineri debeat Bonorum dilapidatio, & fere desperata fructuum restitutio, ac perdifficilis executio favore Ecclesiæ spoliata; sed potius prudenti Judicis arbitrio, ut modo quo potest caveatur, ne Spoliatores fructus colligant, & Victor in Causa privetur, vel longa lite victoriæ fructus ei protrahatur.

4 Magisque animum Judicantium movit ad ita decernendum, decretum ipsum provisionale ante Causæ decisionem prolatum in Curia Archiepiscopali, ubi agnita qualitate Spolii, & Spoliatorum natura, post eorum primum recursum ad Forum Laicale, probè demandatum fuit, ut fructus Bonorum occupatorum sub sequestro ponerentur; Similia autem decreta Judicum de Partibus non rarò Sacrum Tribunal sequi non designatur.

Et ita &c. unica &c.

DEVAIS


DECAIS

DECAIS

Braku myślenie
dotyczy się dnie 12 w m
70 m y d 12 p o d t o p o l i c y

Ł. 000





B 6008 5

